

АЛИШЕР НАВОЙ ИЖОДИДА ЗАМОНАВИЙ БОШҚАРУВ ИЛМЛАРИ

КАТИГОРИЯЛАРИНИНГ АКС ЭТИШИ

Бўронов Икром Қўчқарович

Жиззах давлат педагогика университети ўқитувчisi

АННОТАЦИЯ

Мақолада буюк шоир Алишер Навоий ижодидаги замонавий бошқарув илмлари катигорияларининг акс этиши, бошқарув қарорлари, ижтимоий аҳвол, иқтисодий муносабатлар, дипломатик алоқалар каби давлат ва жасамият бошқаруви билан алоқадор соҳа масалаларига ўз даврининг мутафаккир олими ва давлат арбоби сифатидаги қараашлари ўз асарлари асосида таҳлил этилади.

Калим сўзлар: сиёсат ва сиёсий катигорияси, бошқарув, сиёсат, муносабатлар, ташаббускорлик, режислаштириши, мувофиқлаштириши, меҳнат тақсимоти, интизом, шахсий манфаатларни умумий манфаатларга бўйсундирishi, ходимларни разбатлантириши, марказлаштириши, адолат.

ANNOTATION

In the article, the reflection of the categories of modern management sciences in the work of the great poet Alisher Navoi, his views on issues related to state and community management such as management decisions, social situation, economic relations, diplomatic relations, as a thinker, scientist and statesman of his time are analyzed based on his works.

Key words: politics and political category, management, policy, relations, initiative, planning, coordination, division of labor, discipline, subordination of personal interests to common interests.

АННОТАЦИЯ

В статье отражены категории современной управленческой науки в творчестве великого поэта Алишера Навои, его взгляды на вопросы, связанные с государственным и общественным управлением, такие как управленческие решения, социальная ситуация, экономические отношения, дипломатические отношения, как мыслителя. На основе его трудов анализируется учёный и государственный деятель своего времени.

Ключевые слова: политика и политическая категория, управление, политика, отношения, инициатива, планирование, координация, разделение труда, дисциплина, подчинение личных интересов общим интересам, мотивация сотрудников, централизация, справедливость.

Бизга маълумки, бугун инсон жамияти ижтимоий ҳаётини бошқаришда бир қатор тушунчалар қўлланилади. Улар мазмунида биз жамият турмуш тарзининг тартиби, ҳаракати, қонуниятлари, мажбурият ва бурчлари, ҳукуқ ва эркинликларига қаратилган жамият ва давлатнинг ўзаро муносабатларини англаб оламиз. Бу тушунчалар муайян замонавий воқеъликларни ифодалаш нуқтаи назаридан шаклан янги кўринишда бўлсада, мазмунан узлуксиз ривожланиб келаётган тарихий жараёнлар мазмун-моҳияти билан чукур даражада боғлиқ. Бошқача айтганда ҳозирда қўлланиладиган бошқарувга оид атамалар мазмунан тарихийдир. Шунга кўра, биз бу ўринда Алишер Навоий даврида мазкур тушунчалар моҳиятан қандай маъноларда қўлланганига эътибор қаратмоқчимиз. Буюк адаб, улуғ мутафаккир ҳазрат Алишер Навоий ижоди тил ва адабиётимиз ривожида муҳим ўрин тутади. Лекин Алишер Навоий нафақат шоир, балки давлат арбоби ҳам эди. Шунинг учун унинг асарларида ўз даври сиёсий институтлари ва жараёнлари билан боғлиқ қўплаб қарашлар ўз аксини топади. Биз бу ўринда айрим бошқарув катигорияларини кўздан кечирамиз.

Навоий қарашларида замонавий бошқарувнинг асосий катигорияларидан бири бўлган *сиёсат* ва *сиёсий катигорияси* ҳам муҳим ўрин эгаллайди. Сиёсат тушунчаси асосида Навоий давлат ҳокимиятида муҳим аҳамиятга эга бўлган лавозимлар ва уларда фаолият қўрсатадиган ёки кўрсатаётган шахслар, уларнинг маълум белгиланган қонун ва тартиб-қоидаларга риоя қилиши, вазифа ва бурчлари, манфаатлари ва эҳтиёжларига эътибор қаратади. Мутафаккирнинг “Садди Искандарий”¹, “Ҳайратул-аброр”², “Махбуб ул-кулуб”³ каби асарларида мазкур катигориянинг умумий ва ўзига хос моҳияти ҳақида кенг маълумот олишимиз мумкин. Навоийнинг фикрича, уларнинг сиёсий муносабатлари охир-оқибатда хукмдор сиёсатининг асосини белгилаб беради. Навоий қарашлари уйғун бўлган бугунги сиёсий катигориялардан яна бири бу *сиёсий ҳокимият* масаласидир. Мутафаккирнинг фикрича, сиёсий ҳокимият одамларнинг муайян ижтимоий ҳарактердаги ҳаракатларига обру-эътибор, қонун-қоида ёки куч ёрдамида таъсир қўрсатиш воситасида итоатда тутиш ва кўзланган мақсадларга бошқариш эркинлигига эга бўлишдир. Бу масалада Навоий мазкур эркинликдан ким ва қандай фойдаланишига кўпроқ муносабат билдиради. Чунки сиёсий ҳокимиятда шахснинг ўрни Навоий яшаган давр сиёсий режимида (монархия) муҳим аҳамиятга эга бўлган. Сиёсий ҳокимият амалда лавозимлар воситасида шахслар ўртасида тақсимланган ва умумий жамият ва давлат устидан олиб

¹Алишер Навоий. Садди Искандарий.–Т.:Faafur Fulom нашриёти, 1991.

² Алишер Навоий. Ҳайратул-аброр.–Т.: Faafur Fulom нашриёти, 1989.

³ Алишер Навоий. Махбуб ул-кулуб.–Т.: Faafur Fulom нашриёти, 1983.

бориладиган сиёсатда бу лавозим ва шахсларнинг алоҳида ўрни бўлган. Навоий бу масалага “Маҳбуб ул-кулуб” асарида батафсил тўхталиб подшолар, беклар, ноиблар, вазирлар, садр (мансабдор)лар, ҳарбийлар, шайхулислом, қозилар, фақиҳлар тўғрисидаги тавсифий-танқидий мулоҳазаларини атрофлича баён қиласди¹.

Навоий асарларида эътибор қаратилган сиёсий категориялар доирасида *сиёсий тизим ва унинг маркибидаги муносабатларга* ҳам катта аҳамият қаратилган. Бугунги сиёсий қарашларда бунга сиёсат субъектлари ва обьектлари сифатида ёндашилади. Навоий қарашларига кўра сиёсий ҳокимиятни амалга ошириш нафақат сиёсат субъектларини шакллантиришни, балки уларнинг таркибий қисмларини мамлакат ҳудуди бўйлаб тартибли жойлаштиришни ҳам талаб этади. Шунинг учун сиёсат обьектлари сиёсий ҳокимият даражасидан келиб чиқиб, давлат ва маҳаллий ҳудудий бошқарув тармоқларига бўлинади. Қизиқарли томони шундаки, Навоийнинг бу қарашлари ҳозирги замон унитар, федератив ва конфедератив давлат қурилиши ва сиёсати тамойилларига жуда мос келади. Навоий “Садди Искандарий” достонида ўз идеалидаги бошқарув тизимини яратар экан, раҳбар шахс учун шарт бўлган бир қанча хусусиятларни мезонлар сифатида тавсифлаб келтиради². Олим Ф.Равшановнинг таъкидлашича, мана шу асарда Навоий давлат аҳлини олимлар, орифлар, обидлар ва омилар гурухига бўлади ва ҳар бирининг давлатда сиёсий тизимида тутган ўрни, улар билан муомала (сиёсий муносабатлар) тартибини белгилаб беради³.

Навоий қарашларида *жамият маркибини белгилаш, унинг бошқарувини ташкил этишининг ижтимоий-сиёсий шакли ва етакчилик* масаласида ҳам бир қатор асарларида фикрлар билдирилади. Замонавий сиёсатшунослик фанида бошқарув ва унинг сиёсати моҳиятидан келиб чиқиб монархия, республика (парламентар ёки президентлик), демократик, авторитар, тоталитар ва бошқа бир қатор тузумлар фарқланади. Навоий монархия тузуми даврида яшаган бўлсада жамият таркиби, уни гуруҳларга бўлиш, бошқаришни ташкил этиш масалаларида унинг қарашлари замонавий сиёсатшунослик қайд этган белгилардан анча фарқланади. Бу борадаги қарашлар шоирнинг “Маҳбуб ул-кулуб” асарида подшолар, беклар, ноиблар, вазирлар, садр (мансабдор)лар, ҳарбийлар, шайхулислом, қози, фақиҳлар тўғрисидаги тавсифий-танқидий мулоҳазалари тимсолида⁴, тарихда яшаб ўтган хукмдорлар, давлат

¹ Алишер Навоий. Маҳбуб ул-кулуб.–Т.:Faafur Fулом нашриёти, 1983.

² Алишер Навоий. Садди Искандарий.–Т.: Faafur Fулом нашриёти, 1991.

³ Равшанов Ф. Давлат фуқаролик хизматчисининг маънавий қиёфаси. –Т.: Маънавият, 2022. –Б.68.

⁴ Қаранг: Алишер Навоий. Маҳбуб ул-кулуб.–Т.: Faafur Fулом нашриёти, 1983.

арбобларининг ижтимоий фаолиятларидағи ижобий ёки салбий сифатлари, иш юритиш услублари ва шахсий раҳбарлик фазилатлари, эзгу ёки ёвуз ишлари мисолида эса “Тарихи мулуки ажам” асарида таҳлил этилади¹.

Амалий сиёсат ва жамиятдаги сиёсий муносабатларнинг ўзаро алоқалари, ҳокимият субъектлари ҳамкорликдаги ҳаракатларининг ўзига хос хусусиятлари, ҳокимият субъектларининг объектларга ва объектларининг субъектларга айланиши масалалари Навоийнинг чуқур диққат марказида тургани асарларида яққол кўриниб туради. Замонавий сиёсат сиёсий муносабатларнинг субъектлар ва объектлар алоқаларида аҳоли томонидан қўллаб-қувватланадиган ва ихтиёрий равишда амал қилинадиган турли ижобий ёки салбий ижтимоий-сиёсий меъёрларга таянишини қайд этади. Мазкур муносабатларнинг чигал ва мураккаб тизимиға доир қарашлар Навоийнинг сиёсий фаолият ва сиёсий ахлоқ меъёрлари билан боғлиқ фикрларида ўз аксини топган².

Шунингдек Навоийнинг ижтимоий қатламлар ва уларнинг сиёсий жараёнлардаги иштирокига оид қарашлари бугунги бугунги сиёсий фанлар тизимида ўрганиладиган сиёсий категориялар моҳиятига анчагина мос келади. Навоий булар таркибида сиёсий элита таркибий қисмларини ҳам эътибордан қолдирмаган. Давлат сиёсатини амалга оширишда ўзаро шерикчилик ва рақобат воситасида фаолият олиб борадиган сиёсий элита жамиятнинг ижтимоий-сиёсий катта кучга эга бўлган муҳим қатлами эканлигини Навоий чуқур даражада тушунган³.

Айнан Навоийда бугунги жаҳон сиёсий илмлар мутахассислари томонидан эътироф этилган *сиёсий лидерлик* категориясига сиёсий элита ва сиёсий таъсирга қобилиятли қатламлар фаолиятидан келиб чиқиб баҳо берилади. Шунга кўра айтиш мумкинки Навоий сиёсий жараёнларни бошқаришни сиёсий қатламлар – сиёсий элита – сиёсий лидерлик тизимида тасаввур этади. Шуни таъкидлаш керакки мазкур сиёсат субъектларининг ўзаро алоқадорликдаги фаолияти ўрта асрларда одатда *сиёсий тизимнинг* моҳияти ва мақсадларини белгилаб берган. Албатта буни Навоий яхши тасаввур эта олган ва шу жиҳатдан кўплаб сиёсий низоларни бартараф этишда жонбозлик кўрсатган. У айни вақтда сиёсий субъектлар орасидаги алоқадорликни сақлаб қолиш, улар ўртасида *сиёсий мувозанатга* эришиш воситасида Ҳусайн Бойқаро давлати сиёсий тизимини асраб қолиш тарафдори эди. Бу масалада у “Муншаот”да ўз бошидан кечирган

¹ Қаранг: Алишер Навоий. Тарихи мулуки Ажам.–Т.:Faafur Fулом нашриёти, 1967. 14-жилд. –Б. 183-238.

² Алишер Навоий. Махбуб ул-қулуб.–Т.: Faafur Fулом нашриёти, 1983.

³ Ўша манба.

ва ўз тажрибасида бевосита кўрган ишлари мисолида давлат хизматига оид қатор мулоҳазаларини баён этган¹.

Навоий қарашларида *сиёсий институтлар* ўз даври давлатчилик маданияти билан боғлиқ равишда акс эттирилади. Унга кўра давлат мазкур институтларнинг бош элементи бўлса, ҳукмдор унинг иккинчи элементи ва таянчидир².

Навоий асарларида кенг аҳамият қаратилган сиёсий категориялардан яна бири *сиёсий бошқарув ва сиёсий раҳбарлик*дир. Бу икки категория жамиятнинг тизимли тараққий этишида ўта хилма-хил бўлган ижтимоий-сиёсий фаолият ва муносабатларни тартибга солиш, стратегик ва тактик давлат режалари йўналишларини белгилаш ва амалга ошириш, мавжуд сиёсий жараёнларни бошқаришда асосий ўрин эгаллайди. Навоий буни яхши тушунган ҳолда сиёсий бошқарувни ижтимоий қатламлар иштирокида, сиёсий раҳбарликни эса монарх ҳукмдорлик воситасида амалга ошириш ғоясини тарғиб этган. Унга кўра элитар табақалар сиёсий бошқарувда ўз манфаатларини кўрадилар ва шунинг учун ҳукмдорнинг сиёсий раҳбарлигига рози бўладилар³. Ҳукмдор сиёсий бошқарувни раҳбарлик билан бирлаштирса ва бошқарувдан табақалар вакиллари бенасиб қолса айнан шу вакиллар сиёсий бошқарувга эмас, сиёсий раҳбарликка қарши бош қўтарадилар. Бу эса табақалар ичида кенг тарқалиб сиёсий раҳбар бошқарувига ёки сиёсий лидерга қарши *сиёсий муҳитни юзага келтиради*. Сиёсий муҳит эса бус-бутун табақаларни қамраб олиши мумкин. Сиёсий муҳитни сиёсатнинг ҳаб бир категорияси шакллантириши мумкин. Худди шу каби сиёсий муҳит ҳар қандай сиёсий шахс, сиёсий груп ёки қатлам, сиёсий институтлар ва сиёсий жараёнларга таъсир кўрсатиб сиёсий муносабатларни ҳамкорлик ёки муҳолифатга йўналтириши мумкин. Навоийнинг бу масалалардаги қарашлари “Муншаот”да тўлиқ ўз аксини топган⁴.

Навоий бугунги сиёсатшуносликда категориал аҳамиятга эга бўлган *сиёсий қадриятлар* ҳақида ҳам ўз фикрларини баён қилган. Замонавий сиёсатшунослик сиёсий қадриятларни ижтимоий тажрибада кўрилган, ижтимоий субъектлар томонидан қабул қилинган амалдаги сиёсий меъёрлар ва жараёнлар мажмуаси сифатида таърифлайди. Сиёсат субъектларининг характеристи ва фаолият услубларига кўра бу қадриятлар демократик, авторитар, тоталитар, радикал, конформистик, адаптацион, табақавий хусусиятларга эга бўлиши қайд этилади.

Навоий эса сиёсий қадриятларга *сиёсий манфаатлардан* келиб чиқиб эътибор қаратади. Навоийнинг фикрича жамиятдаги муайян групҳулар ёки

¹Шарафутдинов Олим. Алишер Навоий. –Т.:Ўзбекистон КП МК Бирлашган нашриёти, 1967. -80 б.

² Алишер Навоий. Садди Искандарий.–Т.: Faafur Fulom нашриёти, 1991.

³ Ўша манба.

⁴ Алишер Навоий. Муншаот.–Т.: Faafur Fulom нашриёти, 1966. 13-жилд.-Б. 85-156

шахсларнинг эҳтиёжлари ва уларнинг қондирилиши масалалари биринчидан сиёсий тарқоқликнинг олдини олади, иккинчи томондан эса сиёсий манфаатларнинг умумлашувига замин ҳозирлайди. Сиёсий манфаатларнинг умумлашуви жамиятда гуруҳлараро тарзда юз беради ва бу муайян даврга хос сиёсий қадриятларнинг шаклланишига олиб келади.

Таъкидлаш ўринлики, ўз навбатида сиёсий манфаатларнинг умумлашуви сиёсий қадриятларнинг тизимлашишига, бу ҳолат эса амалда *сиёсий жараёнларнинг юзага келишига имконият яратади*. Мазкур жараёнлар турли соҳалар билан боғлиқ масалаларни ёки уларнинг яхлит барчасини қамраб олиши мумкин. Бундан ташқари бу жараёнлар демократик ислоҳотлар, инқилобий ҳолат, ижтимоий тўлқинланиш ва бошқа ҳолатларни келтириб чиқариш билан изоҳланади. Шунга кўра сиёсат сиёсий жараёнлар нинг яровий тармоқларидан бири бўлиб, унинг мавжудлик ва ривожаниш шакли ва услуби сифатида намоён бўлади.

Сиёсий жараёнлар билан доимий биргалиқда намоён бўлувчи категориялардан бири *сиёсий қайфият* (поведение) бўлиб, ҳозирги сиёсий фанларда унга асосан *сиёсий ахлоқ* нуқтаи назаридан қаралади. Бир жамият таркибида бўлсада сиёсат субъектларининг сиёсий фаоллиги турли даражада намоён бўлади. Мазкур фаоллик сиёсат субъектининг *сиёсий воқеъликка ёндашуви* ёки шу сиёсий воқеъликнинг сиёсат субъекти муносабатларида қанчалик муҳим аҳамиятга эга эканлиги билан боғлиқ бўлади¹. Соддароқ қилиб айтганда сиёсий воқеълик сиёсий қайфиятнинг асоси бўлиб хизмат қиласи. Воқеъликнинг сиёсий моҳиятга эга бўлиши биринчидан, унинг сиёсий масалаларга алоқадорлиги, иккинчидан, унинг ижтимоий характеристи, яъни кўпчиликни ўзига жалб этиши, учинчидан эса, сиёсий ҳокимият билан боғлиқ жараёнларнинг бевосита таркибий қисми бўлишини талаб этади. Худди шу жараёнлар ичida сиёсий воқеълик ва сиёсий қайфият ичидан *сиёсий иштирок* категорияси ўсиб чиқади. Сиёсий иштирок сиёсий жараёнларнинг йўналиш олишида катта аҳамиятга эга бўлган категория ҳисобланиб, замонавий сиёсий фанларда унинг *сиёсий хайриҳоҳлик*, *сиёсий бетарафлик*, *сиёсий бегоналик*, *сиёсий муҳолифлик* каби бир қанча турлари ҳақида фикрлар билдирилган². Мазкур категорияларнинг моҳияти Навоийда ўзига хос тарзда ифодаланади. Унга кўра сиёсий иштирок ихтилофли жараёнларда кучаяди ва жамиятда амал қилиб келаётган сиёсий меъёр ва анъаналарга хавф солади. Бу хавф ўз навбатида

¹ Алишер Навоий. Муншаот.–Т.:Faafur Fулом нашриёти,1966. 13-жилд.-Б. 85-156

² Алишер Навоий. Ҳайратул-аброр.–Т.: Faafur Fулом нашриёти, 1989.

бутун ижтимоий тизимнинг мазкур юз берган жараёнга тортилишига олиб келиб, барқарорлик, эркинлик ва хуқуқлар учун кураш заруратини шакллантиради.

Улуг мутафаккир Алишер Навоий асарларининг деярли барчаси ижтимоий-сиёсий муносабатларни такомиллашувига, инсонлар жамиятини камолотига, улар ўртасидаги ўзаро муносабатларни юксалиб боришига хизмат қиласидан ғоялар билан суғорилган. Унинг ана шундай мукаммал асарларидан бири “Маҳбуб ул-қулуб” дир¹. Таъкидлаш ўринлики, ўрта аср бадиий адабиётiga хос бўлган анъана, асар қаҳрамонлари асосан жамиятнинг юқори табақалари вакиллари образида ифодалашда ўзига хос рамзийлик бор.

Навоий “Маҳбуб ул-қулубда” нинг муқаддимасида, жамият жуда мураккаб тузилишга эгалигини таърифлар экан, турли инсонлар, турфа феъл-автор, мақсад ва манфаатлар унинг ҳаракатлантирувчи кучи эканлигини, лекин жамиятнинг ҳар бир аъзоси ундан ўзига хос хулоса чиқаришини айтади ва бунга ижтимоий сиёсий муносабатлар масаласида ўз ҳаётида кечган жараёнлардан мисоллар келтириб ўтади.

Маълумки, Навоий жамият манфаатларини кўзлаб, айниқса ўз даври сиёсий элитаси ва олигархияси вакилларига намуна бўлиш мақсадида, кўплаб дорушшифо (касалхоналар), қироатхоналар (кутубхоналар), каналлар ва ариқлар қаздирган ва бошқа бир қанча ижтимоий иншоотларни ўз ҳисобидан қурдирган ёки уларга раҳнамолик қиласидан қартилган. Ижтимоий-сиёсий фаолиятининг бош ғояси эса мурувват, футувват, саховат, жўмардлик, инсонпарварлик ғояларига қаратилган. Унинг бу ғоялари деярли барча асарларида ўз аксини топган. Шунинг учун умр поёнида авлодларга ушбу масалаларни тушунишга ёрдам берувчи бир панднома - “Маҳбуб ул-қулуб” ни мерос қолдиришга қарор қиласидан баён қиласидан. Назаримизда, ушбу асар мутлақо ижтимоий-сиёсий мавзуда бўлиб, давлат ва жамият ишини бошқариш ишларига бағишлиланган. Чунки, асар қўпроқ подшоҳлар, хукмдорлар, сultonлар, ҳокимлар, беклар, садрларнинг яхшилик ва ёмонлик хислатлари, ижтимоий муносабатлари хақида ёзилган. Бу жиҳатдан асарни бугунги сиёсий фаннинг “қиёсий сиёсатшунослик” йўналишидаги “субстанциал қиёслаш” бўйича яратилган дейиш мумкин. Шунингдек асарда инсонларнинг жамият бошқарувидаги “сиёсий иштирок” и ҳам кенг шарҳланади.

Навоий асарни уч қисмга бўлган, қисмларнинг номлари ҳам мавзунинг ижтимоий-сиёсий муносабатларни шарҳлашга бағишлиланганлигини билдириб туради. Биринчи қисм “Соир ун-носнинг афъол ва аҳволининг кайфияти”, яъни ҳалойиқ аҳволи, феъли, тили ва кайфияти, деб номланган. Унда жамиятда

¹ Алишер Навоий. Маҳбуб ул-қулуб.–Т.: Ғафур Ғулом нашриёти, 1983.

яшовчи барча “ижтимоий қатламлар”, уларнинг гурух ва қатlam вакиллари сифатидаги муносабатлари, давлат муносабатларида тутган ўрни таърифланади. Жамият ва давлат бошқарувида олий ҳукмдор, султонлар, подшоҳлардан тортиб энг қуий табақалар вакилларигача, уларни жамиятдан ва салтанатдаги *сиёсий мавқеига* донишмандона баҳо берилади (мазкур масала бугунги социология ва сиёсатшунослик фанида “социал стратификация” атамаси доирасида ўрганилади). Иккинчи қисмда “Ҳамида афъол ва замима ҳисол хосиятида” яъни “Яхши феъллар ва ёмон хислатлар хосияти” ҳақида фикр юритилади. Бунда жамият ҳаётида, унинг тараққиёти ёки таназзулида асосий рол ўйновчи, турли гуруҳлар ва айрим амалдор шахсларга хос фаолиятлар ижобий ва салбий нуқтаи назардан баҳоланади (мазкур масала бугунги сиёсатшунослик фанида “сиёсий тафаккур”, “сиёсий социализация” атамаси доирасида ўрганилади). Учинчи қисмда эса “Мутафарриқа фавойид ва Амсол сурати”, яъни “Хилма хил фойдалар ва ҳикматли сўзлар” билан жамият бошқарувида катта эътибор қаратилиши керак бўлган жиҳатларга ҳикматлар воситасида ёндашилади (мазкур масала бугунги сиёсатшунослик фанида “сиёсий эҳтиёжлар, зарурат ва талаблар” атамаси доирасида ўрганилади).

“Маҳбуб ул-қулуб” нинг деярли ҳамма фасллари ва бобларида сиёсий бошқарувда бевосита қатнашадиган сиёсий раҳнамолар, подшоҳлар, вазирлар, ҳокимлар, садрлар хусусида гап юритилган. Асарда ҳар бир сиёсий бошқарув бўғини мансабдорининг мақоми, одоби, яхши ёмон жиҳатлари, уларни қандай бўлишлиги масалалари мисоллар, пандномалар воситасида баён қилинган.

Яна шуни айтиб ўтиш керакки, ушбу асарда ҳар бир ижтимоий табақа вакиллари, уларни хусусиятлари, рухияти, феъл-автори, харакат ва мақсадлари юксак маҳорат билан таҳлил этилган. Бу жиҳатдан қараганда, Навоий ҳозирги замон илмий тили билан айтганда, жамиятни ҳам сиёсий, ҳам социологик, ҳам психологик жиҳатдан таҳлил қилганлигини кўрамиз. Бу бир томонлама хайратланарли ҳол бўлсада, лекин, Навоий бутун умрини сиёсий арбоб сифатида жамиятда содир бўлган кўплаб ҳодисаларни кўрган, ҳал қилиш жараёнларида қатнашган, турли тоифа вакиллари, яхшию ёмон ҳулқли кишилар билан мулоқотда бўлишга тўғри келганлиги учун, унинг асалари ҳаётий ва ишонарли тилда ёзилган. Бу асарнинг ҳозирги замон сиёсатшунослиги фанининг асосий услубларидан бири, эмпирик, реал, ҳаётий ҳақиқатлар асосида ёзилганлигини кўрсатади¹.

Навоий мамлакатнинг гуллаб яшнашини одил ҳукмдорга боғлайди. Оддий фақир фуқаролар, камбағал ва нотавон унинг (подшонинг) муросаси ва

¹ Алишер Навоий. Маҳбуб ул-қулуб.–Т.: Ғафур Ғулом нашриёти, 1983.

мулойимлигидан осуда, хотиржам бўладилар, золим ва бебош бошқарувчилар (девон бошқарувчиси, амалдорлар) адолат тифи сиёсатидан тўзиб, тарқалиб (қочиб кетади) кетадилар (мазкур масала бугунги сиёсатшуносликда “бошқарув стили” атамаси доирасида ўрганилади).

Салобатидан қўю қўзи, бўри хавфидан эмин, мусофиру гадолар, қароқчи ваҳмидан холос, тинч. Юксак ҳимматидан заифалар – аёллар жамоаси завқли шовқин-суронига тўла, ҳайбатидан йўллар қароқчилардан ҳоли ва эл қўли мол-мулк, бойликка тўла, ситамгар амалдорларни қалами синади, аламзадалик ситами барбод бўлади. Одил сай-ҳаракатидан масжидлар жамоат қўплигидан мадрасалар илм аҳли баҳс-мунозарасидан шовқин-суронли бўлади. Подшоҳ кечаларда жамият учун шам, шу туфайли, дўконлар очик, бебош, ўғри, каззоблар йўқлигидан жамоат хотиржам. Шомдан токи тонгга қадар ҳонақолар эшиги очик ва улар фақат ибодат нури билан мунаvvар бўлади. Юрт сара боғ-роғлардан маъмур, роҳат-фароғатли турмушдан, тўкин-сочинликдан мамнун (келтирилган таъриф бугунги сиёсатшунослик фанида “сиёсий жараёнлар” йўналишида тадқиқ этилади).

Юқорида айтиб ўтганимиздек, асар бошдан оёқ сиёсий муносабатлар ва ижтимоий муаммоларга бағишланган назарий-дидактик аҳамиятга эгадир.

Асарнинг кейинги фасллари: “Номуносиб ноиблар зикрида” (буғунги сиёсий фанларда “сиёсий хиёнат” атамасига доир), “Золим ва жоҳил ва фосиқ подшоҳлар зикрида” (буғунги сиёсий фанларда “сиёсий режим” атамасига доир), “Вузаро зикрида” (буғунги сиёсий фанларда “сиёсий элита” атамасига доир), “Ноқобил садрлар зикрида” (буғунги сиёсий фанларда “сиёсий ахлоқ”, “кадрлар сиёсати” атамаларига доир) каби фаслларга бўлинниб уларни ҳар бирига алоҳида таъриф берилади (буларнинг ҳаммаси бугунги сиёсатшунослик фанида “сиёсий муносабатлар” доирасида таҳлил этилади). Асарнинг 13 фасли “Шоҳ улуси ўзига мушобиҳ (мослиги), хослиги булур зикрида” деб номланади. Унда Навоий томонидан кўриб чиқилган масалалар бугунги сиёсатшуносликда “лигитимлик” масалалари доирасида таҳлил этилади.

Хуллас, Алишер Навоий асарларида бугунги сиёсатшуносликнинг таркибий қисмлари бўлган қатор сиёсий категориялар мазмун моҳиятига оид қарашлар акс этган бўлиб, мутафаккир уларнинг ўзаро боғлиқ жиҳатларини яхши билган ва амалга татбиқ этишга ҳаракат қилган.